

= e punëve të njerëzve dhe lexohen, qellihiqet si lëkura e deles prej trupit të saj, xhehenemi merr fuqi të madhe ndezëse e xhenneti u afrohet njerëzve të mirë, në mënyrë që të mos frikësohen, e atëherë çdo kush do ta kuptojë se çka ka përgatitur për atë ditë.

** Zoti xh. sh. betohet në disa krijime që kanë një rëndësi të madhe, ngase përmes tyre duket fuqia e pakufishme dhe mjeshtëria e përsosur e Zotit të madhërishëm: yjet që së bashku me diellin udhëtojnë, ditën sikur tërhiqen dhe fshihen, e natën ndriçojnë, nata që ia beh me atë errësirën e vet të lehtë në fillim e derisa ngryset plotësisht. Pas errësirës së natës ferku i agimit sikur shkrep dhe vjen duke u shtuar drita.

Betohet se Kur'ani fjalë e Zotit sjellë te Muhammedi përmes Xhibrilit, e ai gjëzon një pozitë të lartë te Zoti, dhe është i nderuar e i respektuar prej engjëjeve më të lartë, është i fuqishëm dhe besnik i sigurt. Muhammedi e ka parë atë lart në horizont kah lind dielli dhe prej tij e ka pranuar Kur'anin, e nuk është i marrë siç thoshin idhujtarët e nuk është i atillë që lë mangu diçka nga shpallja e të mos u lexoje e kumtojë. Pra, nuk është fjalë e dreçit, por kot, se ju e keni humbur rrugën. Kur'ani është këshillë për të gjithë ata që dëshirojnë të drejtohen në rrugë të drejtë, por edhe orientimi është me ndihmën e Zotit të gjithësisë.

Falënderoj Allahun e madhëruar!

SURETU EL INFITAR

KAPTINA 82

E zbritur në Meke, pas sures Naziati, ajete: 19

Edhe kjo sure e shpallur në Meke, sikurse edhe ajo që ishte para saj, flet për përbysjet që do të ndodhin në trupat qiellorë në ditën e kijametit. Në të përshkruhet njeriu si përbuzës ndaj të mirave që ia dha Zoti dhe përmendet shkaku i kësaj përbuzjeje.

Pas përshkrimit të ndarjes së njerëzve në dy grupe: në të mirë e në të këqij, përfundon me përshkrimin e ditës së kijametit, kur njerëzit do të jenë të zhveshur prej çdo fuqie kompetencë, e i tërë sundimi atë ditë është vetëm i Allahut.

Quhet: "Suretu El Infitar" - sipas ajetit të parë që përshkruan çarjen e qillit.

SURETU EL INFITAR

*Me emrin e Allahut, Mëshiruesit,
Mëshirëberësit!*

1. E kur tē çahet qilli.
2. Dhe kur tē shkapérderdhen yjet.
3. Dhe kur tē përzihen detet.
4. Dhe kur tē trazohen varret.
5. Atëbotë secili njeri e din se çka ka punuar dhe çka ka lënë prapa!
6. O ti njeri po ç'të mashtroi ty kundrejt Zotit tенд që është bujar e i urtë?
7. I cili tē krijoi, tē përsosi dhe tē drejtoi.
8. Të formësoi në formën që Ai dëshiroi
9. Jo, nuk është ashtu. Ju përgjenjeshtroni ditën e përgjegjësisë.
10. Kurse ndaj jush janë përcjellësit
11. Janë shkrues të ndershëm te Allahu.
12. Ata e dinë se çka punoni.
13. E s'ka dyshim se tē mirët janë në kënaqësinë e përjetimeve (në xhennet).
14. Dhe se mëkatarët janë në xhehenem.
15. Aty futen ata ditën e gjykimit (të cilën nuk e besonin).
16. Dhe nuk kanë tē larguar prej tij.
17. E ç'të mësoi ty se ç'është dita e gjykimit?
18. Përsëri, ç'të mësoi ty se ç'është dita e gjykimit?
19. Është dita kur askush, askujt nuk do të mund t'i ndihmojë asgjë; atë ditë e tërë çështja i takon vetëm Allahut!*


SURETU EL MUTAFFIFINË

*Me emrin e Allahut, Mëshiruesit,
Mëshirëberësit!*

1. Të mjerët ata që mangu masin e peshojnë.

* Pas përshkrimit të shkatërrimit të trupave qiellorë, përmendet trazimi i varreve që ka përqëllim ngriten e njerëzve prej tyre, daljen në sipërsfaqe. Atëbotë gjithkush do ta dijë se çfarë punësh tē mira ka bërë dhe çfarë tradita tē mira ka lënë pas, për tē cilat do të shpërblehet. Po kështu vlen edhe përpunën dhe traditën e keqë tē lënë pas.

Njeriut i thuhet: si u mashtrove e nuk e falëndero Zotin tенд që është bujar e mëshirues, por është edhe ndëshkues i rreptë kundër kundërshtarëve. A thua dreqi tē mashtroi duke tē thënë: puno keq sa tē duash, se Zoti është mëshirues, apo nuk besove fare në këtë ditë. A nuk e dite se engjëjt shënojnë çdo vepër tënë, e sot tē mirët janë në xhennet, e tē këqijt në xhehenem dhe askush nuk ka gjë në dorë pos Allahut.



2. Ata që kur matin prej njerëzve, përvete e plotësojnë,
3. E kur u matin tē tjerve ose u peshojnë, u lënë mangu.
4. A nuk e dinë tē tillët se kanë për t'u ringjallur?
5. Në një ditë tē madhe.
6. Në ditën kur njerëzit ngriten (prej varrezave) për tē dalë para Zotit tē botëve.